



# Synfocity = 343

mail us at : [synfo@bsnl.in](mailto:synfo@bsnl.in); [synfo@yahoo.com](mailto:synfo@yahoo.com) - Phone - 2314648

2<sup>nd</sup> June, 2011

## □ Synod Lay Workers-ten Lay Day an hmang

Mizoram Presbyterian Church Synod hnuaiia ordained Minister ni lo zawng zawng, thawk mek leh pensioner-te inthlunzawmna Synod Lay Workers Fellowship chuan May 27 (Zirtawpni) khan P.C. Girls' School-ah Lay Day an hmang. Lay Day hi PRESCOM leh P.C. Girls' School ten an inthlen tawm a ni.

Lay Day programme hi hun hnihah thenin chawhma lamah hun urhsun an hmang a, inchhiarnate neiin Lay Workers Fellowship Secretary leh Treasurer report-te ngaihthak a ni a, Synod Moderator Rev. C. Lalsanglianan Lay Day address a pe a. Synod Moderator chuan, Pathian rawngbawltu chu mi rinawm nih a tul thu te, kan rawngbawlina hi kan hlen a pawimawhia thu te a sawi a ni.

Chawhma inkhawmah hian Lay member thite sunna hun hman a ni a, kum 2010-a Lay Workers pension-a chhuak mi 6 te thlahna leh chawimawina hlan a ni baw. Synod Lay Workers' Fellowship hian a vaiin mi 120 hnenah hetiang chawimawina hi an lo hlan tawh a ni.

Rev. Vanlabeledan Lay Day 2011 thupui "Pathian lawmtlak inthawina" (Rom 12:1) tih thupui hmangin Pathian Thuchah a sawi a, 'Pathian hmanrua ni turin kan inthlan a ngai a, hmuh belh beiseia rawngbawlina hi Pathian lawm tlak a tling lo. Tihluhna avang nilovin, keimahni duhthu ngeia inpekna hi inthawina dik chu a ni. A ta kan nih anga a hnena kan tlukluh hian hahchawlhna kan hmu thin', tiin thu a sawi baw.

Kum 2011 - 2014 chhunga SLWF hruiatu thar hlanna neih a ni a, hruiatu tharte chu :

Chairman	: Upa H. Lalnuntluanga
Vice Chairman	: Upa Dr. L. Ringluaia
Secretary	: Pu P.C. Vanlalrova
Jt. Secretary	: Upa Hmingthansanga
Treasurer	: Pu Lalremmawia
Finance Secretary	: Pu K. Siamchhunga

Heng bakah hian Lay Assistant mi 15 ruat thar an ni baw.

Chawhnu lam hun hi Pathian faka zaiho nan hman a ni a, Upa Dr. L. Ringluaian a kaihrui a, Synod Music Instructor Pu Lalromawian "Fakna thiltihtheihna" tih thupui a sawi a, tlaiha chawhlui kilho nghal a ni.

Synod Lay Workers Fellowship Day hi kum tinin May thla Zirtawpni hnunung berah hman thin a ni a, Synod Calendar-ah pawh ni pawimawh zingah tarlan a ni. Tun tum Lay Day hmannaah hian member 445 lai an tel thei a ni.

## □ Synod Mission Board

♦ **Pastors' Orientation Training** : May 30 - June 3 chhung hian Synod Mission Board bultumin Missionary Training Centre, Mission Vengthlangah Pastor-te pualin Orientation Training buatsaih mek a ni a, Field Secretary 4 leh pastor 16 ten orientation training hi an nei mek a ni. Orientation-ah hian **Cultural Anthropology and Christian Mission** (Rev. K. Lalrinkima), **Mission Strategy** (Pu R. Lalnuntluanga), **Account Training** (Upa C. Lalmuankima), **Administration and Personal Management** (Pu Rinsanga IAS (Rtd.)), **Office Matters** (Upa R. Lalmalsawma), **Contemporary Theology of Mission** (Rev. Remlalfaka), **Missionary Life and Practical Challenges** (Rev. Zosangliana Colney), **Practical Issues in Mission in India** (Rev. K. Lalmingliana), **Criminal Law** (Pu C. Laldina MPS), Indian Society and Globalisation (Rev. Rosiamliana tochwawng) leh **Social Justice and Civil Law** (Pi Sylvi) te zirtir an ni ang. June 3 (Zirtawpni) zanah Synod Mission Board Executive Committee member-te nen inkawmhona hun an hmang baw ang.

♦ Orissa leh Cambodia hmuna Synod Mission Board rawngbawlina kalpui zel dan tur ngaihtuah a ni a, Board Executive Committee chuan helam zirchianna leh rawtna te a ngaichang mek a ni.

♦ Synod Mission Board-in Moorshead Memorial Christian Hospital Trust, Orissa-ah missionary turin Dr. K.C. Chhingzova a tirh chu hospital lamin lawmthu an rawn sawi a, hetih rual hian Missionary Dental Doctor, Zirtirtu leh Pharmacist-te an mamawh belh thu rawn thlenin hmalak dan tur zirchian mek a ni baw.

## □ Zin

♦ June 3 - 5 chhung hian Khawhai South Kohhranah Upa Seminar neih a ni dawn a, seminar neihpui tur hian Rev. Vanlalzuata, Senior Executive Secretary; Rev. C. Vanlalhruaia, Ramhlun Vengchung leh Pu P.C. Lalchawia, Hualngohmun te an kal ang.

♦ Rev. Zosangliana Colney, Executive Secretary chu Presbyterian Church of India (PCI) Working Committee, Shillong-a neih mekah a tel. Rev. Zosangliana Colney hian May 31 (Thawhlethni) khan Aizawl a chhuahsan a, June 4 (Inrinni) hian a lo let leh ang.

♦ June 1 - 4 chhung hian Sialhawk, Khawhai leh Leng khuaa Presbyterian English School tlawhin Rev. Mangchhuana Sailo, Supervisor of Schools a kal.

♦ June 7 - 11 chhung hian Home Mission North Documentary Film buaipui turin Marpara & Salem Boarding-ah Pu Lalmingthanga, Mission Promoter; Tv. Peter Lalanpuia, Synod Information & Publicity (Synfo) leh Rev. Lalmakpuia i/c Damparengpui Bial te an kal ang.

## □ Kohhran Hmeichhia

June 4 & 5 hian Ratu Kohhranah Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruiatu Pi Lalrinkimi, Coordinator; Pi Biakengi leh Pi Parchhuaki (Committee Members) te an kal ang.

## □ Kristian Thalai Pawl

♦ June 1 - 3 chhung hian Silchar Mizo Bial huapin Silchar Mission Compound-ah Leadership Training neih mek a ni a, training hi Central KTP hruiatu Pu Lalmuanawma, Treasurer leh Pu Vanlalfinga, Finance Secretary ten an neihpui a ni.

♦ June 3 - 5 chhung hian Lungpho Bial huapin Lungpho Kohhranah Leadership Training & Meet neih a ni dawn a, heta tel tur hian Central KTP Committee Members T/Upa Lalramdina leh Pu Zohmangaiha te an kal ang.

♦ June 3 & 4 hian Bethlehem Venglai North Branch KTP ten Leadership Training an nei dawn a, training neihpui tur hian CKTP hruiatu Upa Lalrinmuana, General Secretary leh Pu R. Lalmingthanga, Committee Member te an kal ang. *Contd...*

- ♦ June 5 (Pathianni) hian Lungdai Bial KTP Meet-ah Central KTP Leader Rev. K. Lalpiangthara leh Pu H. Liantluanga, Committee Member te an kal ang.
  - ♦ June 4 & 5 hian Hnahlan Bial KTP Meet neih a ni dawn a, he meet-ah hian Central KTP hruaitu T/Upa Zothangzuala Chhangte, Committee Member leh Pu Saizamliana Sailo, Committee Member te an kal ang.
  - ♦ Central KTP chuan *hmeichhe hunsual daite pual camping* buatsaih leh tumin hma a la chho mek a, ruahman dan chuan September 28 - October 8 chhung hian camping hi neih leh tura tih a ni. Hemi atana thil tulte ngaihtuah turin June 4 (Inrinni) hian Organising Committee & Sub-Committee hrang hrangten Synod Committee Room-ah meeting an nei ang.
- He camping buatsaih tur hi hlawhtling leh tuang taka neih anih theih nan Kohhran leh Branch KTP zawng zawngte tawngtainaah lo hre reng turin an ngen a ni.

□ **Social Front**

- ♦ May 28 & 29 khan Champhai Vengthlang Bial KTP Meet neih a ni a, he meet-ah hian Zu, Drugs, HIV/AIDS Awareness Campaign neih nghal niin Dr. Robert S. Halliday, Social Front Coordinator; Pu Lalduhawma Zote, Outreach Worker leh Tv. Lalbiaknunga, Research Worker ten an neihpui a ni.

□ **Music**

- ♦ June 3 - 5 chhung hian Zohmun Bial KTP-ten Half Year-cum-Musical Meet an hmang dawn a, hemi chhunga solfa training neihpui turin Pu H. Lalrinmawia, Synod Music Instructor; Tv. Hmingthansanga, Upper Republic leh Tv. H. Lianzova, Upper Republic te an kal ang.
- ♦ Synod School of Music chuan Music Elementary Course Examination, May 26 a neih chu result a ti chhuak a, exam beitu mi 37 awmin an vaiin an pass vek a ni. Result tlangpui khaikhawmna hetiang a ni :
  - ❖ Honours (mark 80% chunglam hmu) - 11
  - ❖ First Division (mark 70% - 79% hmu) - 8
  - ❖ Second Division (mark 60% - 69% hmu) - 12
  - ❖ Pass Division (mark 45% - 59% hmu) - 6

□ **Synod Higher Secondary School Golden Jubilee**

June 3 (Zirtawpni) chawhnu dar 2:15 hian Assembly Hall, Synod Higher Secondary School-ah School Golden Jubilee khuh hawmna hla inphuahsiak result puan leh lawmman semna neih a ni dawn a, Pu Rozama Chawngthu, Chairman, Organising Committee-in programme a kaihrui ang.

Rev. Lalzuithanga, Executive Secretary-in 'Principal thuchah' tih lehkhabu a tlangzarh ang a, Pu Lalremchhunga Pachuau, Secretary, Organising Committee-in Report & Introduction a pe ang. School hla inphuahsiak result puanna leh lawmman semna neih chhunzawm a ni ang a, Pu P.C. Lalrinpuia, Joint Secretary, Organising Committee-in a kaihrui ang. Rev. Lalzuithanga, Executive Secretary-in lawmman a sem ang a, Pu Lalthanzama, Finance Secretary Organising Committee-in jubilee khuhhawmna thu a sawi ang.

□ **Thawktu thar**

Pu Lalramenga Royte S/o Pu Lalramthanga, Sihphir Dam Veng chu Synod Office-a Junior Engineer (J.E.) hna Contract Basis a thawk turin lak thar a ni a, June 15 (Nilaini) ral hmain a hna thar hi a zawm ang.

□ **Susamachar Prasaran Programme**

June 5 (Pathianni) tlaiah Hindi Programme (Susamachar Prasaran) LPS & Zonet Cable atangin hetiang hian tih chhuah a ni ang : **Group/Choir/Solo** : Aizawl EFCI Choir - Paap Chollaba Eihak Ni, **Group/Choir/Solo** : Himali Kohhran Zaipawl - Isu Mash tere Jeisa Koi Nahi, **Sermon** : Rev PC Rohlira - Isu masi papyangko pyar kanewala, **Group/Choir/Solo** : Kulikawn Masihi Sangati Zaipawl - Prabhu Mere, **Group/Choir/Solo** : Masihi Sangati - Champhai Vengthlang, **Solo** : Khul Jayegi Kitabe.

□ **Special Request**

Mizoram Synod hnuaiia Pastor & Pro. Pastor tanglaite Synfo SMS service dawng lote chuan an mobile phone no. a hnuaiia tarlanah hian inhriattir ni se. Tin, Email Id nei, SYNFOCITY dawng lote pawhin an Email Id hriattir ni bawk se. Hming dik tak ziah tel tur a ni. **Email: [synfo@bsnl.in](mailto:synfo@bsnl.in); [mzsynfo@gmail.com](mailto:mzsynfo@gmail.com); Phone: 9436152024; 9436159188**

## HRIATTIRNA

**Tawngtaina Bu** peih fel a ni tawh a, Synod Office, Mamawh lamna atangin Kohhran ta tur a lam theih leh ta e.

## INDIAN MUSIC ADMISSION

Synod Music Committee hmalakanain hnam dang zinga rawngbawlina atana tangkai tur Indian Music School (Khuang ben leh rimawi dangte) zina chu hawn a ni leh dawn a, dil duhte tan Synod Office, Music Department-ah Dilna Form la chhuakin Kohhran lehkhah thiltelin thehluh tur a ni.

- ① **Zir hun chhung** : Thla ruk (July - December, 2011)
- ① **Dil theih hun chhung** : June 24, 2011 (Zirtawpni) thleng
- ① **Class tan hun** : July 1, 2011 (Zirtawpni)
- ① **Class hun chhung** : Dar 3:30 p.m. - 5:00 p.m.
- ① **Fee ngai zat** : Registration Fee - Rs. 100/- Monthly Fee - Rs. 200/- x 6 = Rs. 1,200/-
- ① June 27, 2011 (Thawhtanni) - ah zirturte hming tarlan a ni ang.
- ① June 28 & 29 - ah Admission tih fel vek tur a ni a, hemi chhunga admission ti hman lo chu an aiah midang dah a ni ang.

- **Rev. Lalzuithanga,**  
**Executive Secretary i/c Music**

